

31 1168.10

ISMAELIS BVLLIALDI
DE
POPVLIS FVNDIS
EPISTOLA

Ad Amplissimum·Eruditissimumque Virum
NICOLAVM RIGALTIVM.



PARISIIS,
EX OFFICINA CRAMOSIANA.

M. DC. LV.



REMAINDER OF THE

ROYAL ISLANDS

EXHIBIT

OF THE

ROYAL ISLANDS



PARIS

AT THE

M. D. C. L.



AMPLISSIMO
AC ERUDITISSIMO VIRO
NICOLAO RIGALTIO,
IN SUPREMA METENSI CVRIA
CONSILIARIO REGIO,
ISMAEL BVLLIALDVS S. P. D.

PERPOLITAM ac eruditam obseruationem tuam de Populis fundis nuperrimè ad nos missam auidissimè legi, ac relegi: cùmque auctores tam antiquos, quàm saculo nostro proximos, qui de illis scripserunt, adiissem, quadam mentem subierunt, qua scriptis mandare mihi visum est, Et ad te transmittere, ut de illis sententiam feras. Eo animo scripsi, ut rem variantibus opinionibus obscuriorem factam, mihi clariorem redderem, simulque Petri Pithæi verborum sensum cognoscerem; non verò ut gloriolam, ex summis viris cuiquam contradicendo, mihi quarerem.

id quaecumque est, ut equi bonique facias, & me semper ames rogo. Vale. Scrib. Lutetiae Parisior. Maij XV. anno M. DC. LI.

LVCIVS CORNELIVS BALBUS ciuis Gaditanus à Cn. Pompeio ciuitate Romana donatus, ciuis Romanus factus fuerat. Legem enim tulerant L. Gellius, Cn. Cornelius Coss. ex Senatus sententia, qua sancitum fuit, ut ciues Romani ij essent, quos Cn. Pompeius, de consilij sententia, sigillatim ciuitate donasset. Accusatus fuit Balbus, & in iudicium vocatus, quòd Gadibus cum natus esset, Romanus ciuis à Cn. Pompeio factus fuisset: negabat etenim accusator ex fœderato populo, nisi is populus fundus factus esset, quemquam potuisse in ciuitatem Romanam venire. Ridet Cicero hunc accusatorem, iurisque imperitum interpretem appellat, quòd iste hanc pœnam fœderibus Romanis adscriberet, ut præmiorum beneficiorumque, à populo Romano conferri solitorum, expertes faceret fœderatos. quamobrem M. Tullius in hæc verba prorumpit, *Quid enim dici potuit imperitius, quàm fœderatos populos fieri fundos oportere? nam non id magis est proprium fœderatorum, quàm omnium liberorum.* Quæ periodus sic intelligenda est, Nihil imperitius dici posse, quàm fœderatos populos fieri fundos oportere, ut ciuitate Romana ex illis populis quispiam donaretur: nam non id magis est proprium fœderatorum, quàm omnium liberorum:

ideſt, eâ conditione ac lege non tenentur magis
fœderati, quàm liberi, quos populos fundos
fieri haud neceſſe eſt, vt ex iſtis aliqui ciuitate
Romanâ donentur. explicat deinceps Tullius,
quinam ſint populi fundi, vt falſam iuris inter-
pretationem ſubmoueret. *Sed totum hoc, iudices,*
in ea fuit poſitum ſemper ratione, atque ſententia, vt
cùm iuſſiſſet populus Romanus aliquid, ſi id adſciuiſſent
ſocij populi ac Latini, & ſi ea lex, quàm nos habere-
mus, eadem in populo aliquo tanquam in fundo reſe-
diſſet, vt tunc lege eadem iſ populus teneretur, non vt
de noſtro iure aliquid minueretur, ſed vt illi populi
aut iure eo, quod à nobis eſſet conſtitutum, aut aliquo
commodo, aut beneficio vterentur. Ex quibus verbis
liquidò conſtat, fundos populos factos fuiſſe ſo-
cios vel fœderatos populi Romani, qui legibus
Romanis, quas adſciuerant, parebant, iſque
utebantur. quod accidere potuit duabus de cau-
ſis, cùm ſcilicet apud populos illos fœderatos
vel ſocios nulla lex de re quapiam lata eſſet: vel
cùm ob vtilitatem aliquam, patriam legem ab-
rogabant ſocij, Romanamque adſciſcebant.
Cuius exemplum aſſert ſtatim Tullius, Latino-
rum videlicet, qui leges Romanas voluerunt,
adſciuerunt. Caput deinde Legis Iuliæ recitat,
quo ciuitas eſt ſociis & Latinis data; qui fundi populi
facti non eſſent, ciuitatem non haberent. in quo magna
contentio Heraclienſium & Neapolitanorum fuit, cùm
magna pars in iſs ciuitatibus iuris ſui libertatem ciuita-
ti anteferreret. Quo quidem capite Legislator ad

vniuersitatem , non ad singulos respexit : præ-
 terea ciuitatis Romanæ ius illa formula ad pau-
 ciores restrinxit , ad populos nimirum fundos :
 ne fortè , in omnes promiscuè collato beneficio ,
 præmia vilescerent , quæ solis benemeritis de-
 bentur. Et de populo quidem Romano bene-
 meriti erant , qui leges ipsius adsciscendo obno-
 xios se tanto magis reddebant , earumque obser-
 uatione in fide constantius manebant. Ad vni-
 uersitatem verò respexisse legis Iuliæ caput , cla-
 rissimè probant exempla à Tullio allata. In
 commune siquidem consultarunt Heraclienses
 & Neapolitani in suis ciuitatibus , conduceret-
 ne suis rebus , vt ciuitatem Romanam conse-
 querentur , populos fundos fieri : dumque deli-
 berant in contrarias sententias discedunt , ple-
 risque iuris sui libertatem Romanæ ciuitati an-
 reponentibus. non disputarunt autem , num a-
 licui priuato singularique ciui in Romanam
 ciuitatem transire permetterent. Vnde patet po-
 pulos fundos factos fuisse iuris sui libertatis ,
 id est *austrapias* , amissione , & quasi alienatione ;
 mutatis scilicet legibus propriis , ascitisque Ro-
 manis. Pergit Cicero , vt vim formulæ illius
 notam faciat. *Postremò hæc vis est istius & iuris &*
verbi , vt fundi populi beneficio nostro non suo iure
fiant. Cùm a'iquid Populus Romanus iussit , id si est
eiusmodi , vt quibusdam populis siue fæderatis siue li-
beris permittendum esse videatur , vt statuant ipsi non
de nostris , sed de suis rebus , quo iure vti velint : tum

utrum fundi facti sint, an non querendum esse videatur. de nostra verò Republica, de nostro imperio, de nostris bellis, de victoria, de salute fundos populos fieri noluerunt. Docemur itaque in populi Romani potestate fuisse, alij populo concedere ac permittere, ut fundus fieret, & beneficij loco habitum. Extat certè apud Liuium, lib. 40. A. V. C. 573. anno, exemplum concessi vsus Latinæ linguæ Cumanis, A. Posthumio Albino, C. Calpurnio Pisone Coss. Cumanis ea anno petentibus permissum, ut publicè Latinè loquerentur, & præconibus Latinè vendendi ius esset. Hi autem iam municipes facti erant anno ab V. C. 538. L. Posthumio IIII. Tiber. Sempronio Graccho Coss. Si hunc Latinæ linguæ vsus petere à Repub. Romana necesse fuit: sique petentibus concessus est; multo magis iuris alicuius Romani vsus petendus erat, quod ipsis utilius foret fœderatis. Eo porro iure, quod ascuerant, utebantur, ut de suis non de populi Romani rebus statuerent. Demum asserit Tullius, querendum esse verum fundi facti sint populi, si nimirum secundum Romanam legem vivere elegerint, num etiam hoc ipsis permissum sit. noluerunt verò isti populi fundi facti, nec sibi proposuerunt de Reip. Romanæ rebus quicquam statuere. ut verò ostendat accusatorem ignorare ius mutandæ ciuitatis, affirmat non solum in legibus publicis positum, sed etiam in priuatorum voluntate. iure enim nostro, inquit; neque mu-

rare ciuitatem quisquam inuitus potest; neque, si velit mutare, non potest, modo adsciscatur ab ea ciuitate; cuius esse se ciuitatis velit. Hæc igitur fuit Ciceronis sententia, atque populi fundi appellatio eo sensu intelligenda ac ipse interpretatur. Accusator autem Balbi legi Iuliæ fraudem faciebat: cum ad singulos referendo, quæ ad vniuersitatem spectabant: tum Romanæ Reipublice potestatem, in donanda ciuitate priuatis hominibus, restringendo ad illas ciuitates & populos, qui fundi facti fuissent, & cui in aliam ciuitatem transcundi auctores; quomodo leges suas adscitis Romanis commutarent. Mens siquidem legis Iuliæ fuit, ut sociis & Latinis ciuitas daretur, & ciuitates eorum in Romanam ciuitatem transcriberentur: cæteris verò vel liberis populis fœderatisve Romana ciuitas negaretur, nisi populi fundi facti fuissent. Verumtamen, ut Tullius optimè disserit, eâ lege Populus Romanus ex ciuitatibus sociorum atque amicorum fortissimos, propositis præmiis, eliciendi facultatem sibi non ademit. neque etiam illius legis sensus fuit, ut nullum ciuitatis externæ ciuem in Romanam adsciscere posset populus Romanus ciuitatem, nisi populus ille fundus factus fuisset. utque probet ex lege Iulia accusatorem in Balbum agere non posse, neque oportere populum fundum factum esse, ut ab eius ciuitate in Romanam aliquis transiret, adnotat tunc solummodo id prohibitum fuisse

fuisse Romano populo, quando fœderibus contineretur. Illius verba sunt. *At enim quædam fœdera extant, ut Germanorum, Insubrium, Helvetiorum, Lapidum, nonnullorum item ex Gallia barbarorum, quorum in fœderibus exceptum est, ne quis eorum à nobis ciuis recipiatur. quod si exceptio facit, ne liceat; ibi necesse est licere, ubi non est exceptum. Vbi est igitur exceptum fœdere Gaditano, ne quem populus Romanus Gaditanum recipiat in ciuitatem? nusquam.* Quapropter neque de statu sociorum, qui populi fundi facti erant, agebatur; neque ius aliquod ciues apud se retinendi illis, qui non erant, competebar, atque adeò vindicandi eos, si in Romanam ciuitatem transiissent: sed in potestate populi Romani beneficium dantis, & electione accipientis totum negotium versabatur. Ex prædictis etiam patet, qualis fuerit conditio populorum fundorum, qui sic appellati sunt, quia Romanas leges mutatis suis propriis inuexerunt, vel retentis ius insuper aliquod Quiritium adsciuerunt, quo videntes de rebus suis statueret. Illi tamen formulæ nulla seruitutis nota, nulla deditionis inerat: sponte siquidem legum Romanarum iugo se submittebant: neque illis populis hoc voluisse sufficiebat, nisi & populo Romano placuisset, beneficium itaque accipiebant, non iniuriam patiebantur populi fundi facti: causa eorum deterior non erat, commodum quinimo & vtilitas ipsis accedebant.

De illa verò loquendi formula, *populus fundus, rei fundus*, iam differendum. Plautus in Trinum-

mo scena penultima Lysitelem adolescentem de nuptiis verba facientem producit, & ut virginem Lesbonici sororem connubio sibi iungeret consilia agitantem. absente Charmide virginis patre cum Lesbonico egerat, ut sibi nuptum daretur puella, etiamque indotata: negabat Lesbonicus indotatam sororem, turpe enim id ei videbatur, in matrimonium collocare velle, etsi dote numerata bonorum ipsi nihil reliqui esset. cum ergo non expressis verbis despondisset sororem, peregrè aduenit Charmides puellæ pater, eumque conuenire statuit Lysiteles, & talia verba loquitur,

Nunc mihi is propere conueniendus est, ut, quæcum eius filio

Egi, ei rei fundus pater sit potior.

Vbi verbum illud *fundus* pro *sponsore* est accipiendum: etenim res de qua agebatur, nuptiæ erant, & fundus potior ei rei quærebat, id est sponsor, qui ius despondendi haberet potius quàm Lesbonicus, qui alius esse nequibat quàm Charmides, in cuius potestate filia sua erat. fundus etiam hîc accipi pro auctore potest, quicum tutius nuptialia pacta & instrumenta conficiat Lysiteles. & fundum pro auctore accipi etiam Festus docet, *fundus quoque dicitur populus esse rei, quam alienat; hoc est auctor.* quæ verba ad contractum emptionis venditionis pertinent, & significant populum de cuius actione teneri, & emptori eam præstare debere, cum ipse venditionis auctor fuerit, quæ for-

mula vsurpata quoque videtur, quamuis minus proprie, loquendo de populis illis qui iure Quiritium adscito ob aliquam vtilitatem suam populi fundi facti sunt. Vt enim voluntarius contractus est emptio venditio, & consensu peragitur; ita voluntarius erat contractus eorum, qui sua iura ac leges quasi alienabant, & Romanis commutabant; ipsis enim eligentibus, & populo Romano permittente, populi fundi fiebant. vi autem verborum illius formulæ fundos factos intelligere debemus, adscitis legibus Romanis earum obseruationi ita se obstrinxisse, vt *αἰσχροπυλῖα* iuribusque propriis, quæ alienauerant, vti amplius non possent, aut nouas leges, inductis Romanis, scribere; ita vt, si quid eiusmodi ausi fuissent, fœderum violatorum, ac spretæ Maiestatis rei forent: pœnasque eo nomine dare tenerentur. cùm enim id beneficij loco habitum sit, nisi cum summa iniuria, ac maiestatis populi Romani contemptu, ab iis qui acceperant, leges Romanæ violari non poterant. Sed & Ciceronis interpretatio apertior est, nec huic tamen aduersatur, fundus enim populus ideo appellari vult, quòd in eo eadem lex, qua utebatur populus Romanus, tanquam in fundo resideret. quibus verbis intelligit populos illos teneri, & legibus Romanis obligari, sicut fundus aut ager hypothecæ obnoxius, creditori oppigneratus, quique præest optimus ac sponsor. Illos autem fundos

populos ea fuisse conditione ex Gellio constat lib. 16. cap. 13. ubi de Municipibus ac populis fundis ita disserit. *Municipes ergo sunt Cives Romani ex Municipiis, legibus suis. Et suo iure utentes, muneris tantum cum populo Romano honorarii participes, à quo munere capeffendo appellati videntur, nullis aliis necessitatibus, neque vlla populi Romani lege adstricti, ni inquam populus eorum fundus factus est.* Patet itaque populum fundum factum necessitatibus obnoxium, & populi Romani legibus adstrictum fuisse: quibus etiam municipes populi fundi facti adstringebantur. Idemque Gellius lib. 19. capite 8. de legis fundo meminit, Frontonem sic loquentem faciens, *Sed hæc ego, inquit, dixi, non ut huius sententiae legisque fundus subscriptorque fierem, sed ut ne Cæsaris viri docti opinionem à ~~admirator~~ destituerem.* Quibus, Frontonem sententiam suam mutare noluisse, ostendit, & Cæsaris opinioni adhærere; & metaphora usus est à populis legis fundis factis, qui mutatis propriis legibus, Romanas adsciscebant, iisque subsciscebant. quo loco neque à Cicerone, neque à se ipse dissentire mihi videtur, quod Pauli Manutij pace dictum volo, qui in argumento orationis pro Corn. Balbo ita de Gellio sentit. Sibi autem constare Gellium sic ostendere possumus; cum cap. 13. lib. 6. verba faciat de illis, quibus populi fundi tenentur: posteriori verò loco modum explicet quomodo fundi legis fiant, mutando scilicet leges proprias, & exter-

nis subscribendo. ex quo posteriori etiam loco debemus animadvertere, in illa loquendi formula, *populus fundus*, subintellectam fuisse vocem *legis*, quam Gellius exprimit.

Adrianus Turnebus *Aduersarior. lib. 4. cap. 12.* Marci Tullij interpretationem approbat, ipsumque verè sincereque argumentari sine verborum captione asserit: & populum fundum ita dici existimat, *quasi lex urbem Romam; in qua lata est, pro ciuitate habeat: populum illum, à quo est adscita, pro fundo quodam suo; ut in eo sedem ponat. ita per translationem ea dicendi ratio auctoritatem significare capit.*

Paulus Manutius loco supra citato Ciceronem ut causæ suæ seruiret sensum formulæ illius peruertisse dicit, & sic disserit. *Tota euersa pendet à fœdere, id est ab interpretatione eorum verborum, ut populus fundus fieret. aliter enim accusator, aliter ea Cicero interpretabatur. accusator sic, fundum fieri populum; cum auctor esset eius rei, quam alienaret: Cicero, cum acciperet vnā pluresve leges Romæ latas, ut iis legibus in posterum æquè ac Populus Romanus vteretur, &c.* Nescio quare Manutius fœderis Gaditani interpretationem à sensu verborum istorum, ut *fundus populus* fieret, dependere affirmet: cum Cicero dicat, in illo nihil aliud fuisse, nisi ut pia & æterna pax esset, quibus adiectum erat, quod non est in omnibus fœderibus, MAIESTATEM POPULI ROMANI COMITER CONSERVANTO. Quod etiam verbum, *comiter*, accusator perperam interpretabatur *communiter*. Ex Ciceronis oratione

constat, accusatorem ex fœdere Gaditano L. Cornelium Balbum, vt ad ciuitatem propriam rediret, repetiisse; quòd crederet, sine iniuria Gadi-
tanæ ciuitatis, ipsiusque imminutione ac detrimento, ciues ex ea in Romanam elici non posse. Ex capite verò legis Iuliæ, quòd crederet, populum fundum fieri debere, vt ipsius auctoritate ex ciuitate sua aliquis in aliam transiret. Sed negat Cicero hæc fœdera ac iura ad ciuitatem pertinere: & vt iam prædixi pessimè intelligebat accusator: nam ciuitas populus fundus fit iuris Romani vel legis alicuius quam accipit: & sic auctor est propriarum legum, à quibus recedit, alienationis: sed auctor necessarius non est, aut esse potest ciui suo, vt ciuitatem siue volens, siue inuitus mutet, vt manifestè probat Cicero.

Carolus Sigonius lib. 1. cap. 4. de antiquo iure Italiæ, ex Plauto & Festo fundum interpretatur auctorem, *Ex quo, ait, translate populos fundos appellatos esse intelligere possumus, qui ipsi auctores essent, vt in e ciuili Romano se obstringerent, quomodo accepit accusator Cornelij Balbi.* Et Ciceronem affirmat aptius ad causæ victoriam, quàm ad veritatis rationem locutum. Verùm Sigonium hîc mentem accusatoris assecutum esse dubito; non agebatur enim de legum Romanarum obseruatione, quæ ab aliis ciuitatibus, etiam antequam in Romanam transiissent, obseruabantur: sed de mutata ciuitate litem Balbo mouerat accusator. Franciscus quoque Hotmanus Obseruation. lib. 2. c. 19. vult

Ciceronem in eius formulæ explicatione, & tem-
 pori & causæ feruisse, & legem de populi autho-
 ritate exquirenda eluisse; illius verba sunt: Ne-
 que rursus ob eam causam fieri fundus dicitur, quòd in eo
 lex aliqua tanquam ædificium in fundo ponatur: sed quod
 ciuibus suis nouo & adscito iure utentibus fundamento, id
 est firmamento sit, item v: auctores siue patres, siue tutores,
 siue venditores firmamento esse solent aliis, qui eorum au-
 ctoritatem ita sequuntur; ut ea perinde nitantur, quasi
 ædificia fundo. Denique, ut rem verbo absoluam, hæc lo-
 cutio non ad substantiæ aut qualitatis, sed ad relationis
 categoriam pertinet: quoniam cum dicimus populum esse
 fundum, hoc significamus ciuibus suis esse fundum, ut hoc
 illudve faciant: veluti ut se pro Romanis ciuibus gerant:
 ut illa populi Romani lege ac iure utantur: tunc enim
 populus illis firmamenti loco est, quòd tanquam fundamen-
 to nitantur. estque cum iis, quæ superius dicta sunt, sanè
 consentaneum, ut nulla res alicuius populi sine ipsius ius-
 su atque auctoritate alienetur.

Confundunt illi tres Manutius, Sigonius &
 Hotmanus, iuris legumque Romanarum in ciui-
 tatem aliquam vniuersitatis electione, consensu
 ac auctoritate inuentionem, cum ciuitatis muta-
 tione ab aliquo singulari facta, quæ ambo distin-
 gui debent, ut luculenter rationibus multis Cice-
 ro iudicibus probauit: in mediumque allatò cum
 gentibus quibusdam fœderum exemplo, quibus
 exceptum erat, ne quis ex ipsarum ciuitatibus in
 Romanâ ciuitatem reciperetur. erat equidem po-
 pulus fundus auctor ciuibus suis vniuersis, ut iure

Romano simul se obstringerent; sed singulis auctorem esse haud necesse fuit, ut ciuitatem mutarent, quoniam in singulorum potestate hoc situm erat. Vnum equidem miror hosce tantos viros M. Tullium falsæ interpretationis insimulare, cum plana sit & aperta illius explicatio, validisque munita ac firmata argumentis. Hotmanus porro populum fundum fieri respectu ciuium intelligit: potius verò mihi videtur respectu legis ac iuris; etiamque legislatoris, cui tanquam hypotheca obnoxius redditur: & cui, ut auctor, contractu voluntario obstringitur, intelligi debere; & ita locis citatis accepit Gellius. fit enim fundus eius respectu, cui se obligat, cui spondet, & cui leges ac iura data seruare promittit.

Nunc ad amplissimi viri Nicolai Rigaltij sententiam, quam nuperrimè in obseruatione de populis fundis protulit, accedamus. Ait vir eruditissimus tale fortassis fuisse legis Iuliæ caput, *Ex federato populo quemquam fieri ciuem Romanum, nisi is populus fundus factus fuerit, non placere.* vel potius in hunc modum. *Qui fundi populi facti non erunt, ciuitatem ne habeant.* Priori verborum formula caput legis Iuliæ comprehensum fuisse credere non possum, cum Tullius integrum illud recitarit, in quo de singularibus priuatisque hominibus nulla sit mentio; quodque, ut suprà adnotauimus, ad ciuitates integras Romana ciuitate donandas attinet. Si posteriori modo scriptum fuerit caput, diuersissimum præ se fert sensum: tunc enim

ad

ad vniuersitates ciuitatum pertinebit, ad quas proculdubio respexit lex Iulia: In sententiam porro Hortiani concedit, cum municipalem populum auctorem, seu fundum illis fuisse asserit, qui singillatim ciuitate Romana donarentur; quod tamen sic se non habuisse disputat Tullius: sed de illis supra satis. Vt autem de conditione populorum fundorum breuiter dicamus, certissimum est liberos eos fuisse; neque vi adactos ut legibus Romanis, iure patrio abdicato, vterentur. penes ipsos enim erat proprio connatoque iure vti: vel, si elegissent, Romano; hac tamen conditione, si populus Romanus ita permisisset, ut eius, quippe superioris, maiestas conseruaretur, & beneficij loco secundum leges Romanas viuere, fœderati sociique, utpote inferiores, haberent.

Verba tandem eruditissimi Petri Pithœi, ut intellexisse ipsum puto, explicanda mihi sunt, *Sanctitatem Apostolicæ Sedis sic comiter conseruantes quemadmodum principes liberos decet, si non æquo iure, certè non ut dedititios, aut fundos.* Transtulit Pithœus hanc loquendi formulam à rebus reip. Romanæ politicis ad nostras, quæ ad summos Pontifices ac Reges spectant: inter quas nec similitudo perfecta intercedit, nec dissimilitudo pariter ipsas penitus disiungit. Dicere equidem potuit Pithœus, *Sanctitatem Apostolicæ Sedis sic comiter conseruantes quemadmodum Principes liberos decet*, quandoquidem ratione spiritualis regiminis oues pastore inferiores sunt, eiusque vocem audiunt, ut ipse Pi-

thœus asserit: qui nouerat illam verborum formulam fœderibus Romanis quandoque appositam, MAIESTATEM POPVLI ROMANI COMITER CONSERVANTO, vt essent, qui conseruare tenebantur inferiores. Id clarè explicant verba leg. 7. §. 1. Dig. de captiuis & de postlim. reuersis. *Liber autem populus est is, qui nullius alterius populi potestati subiectus est. Item siue æquo fœdere in amicitiam venit: siue fœdere comprehensum est, vt is populus alterius populi maiestatem comiter conseruaret. Hoc enim adicitur, vt intelligatur alterum populum superiorem esse: non vt intelligatur alterum non esse liberum, & quemadmodum clientes nostros intelligimus liberos esse, etiam si neque auctoritate, neque dignitate, neque iure omnino nobis pares sunt: sic & eos qui maiestatem nostram comiter conseruare debent, liberos esse intelligendum est. Differunt autem fœdera, quæ populus Romanus cum alio libero populo percutiebat, ab illis fœderibus quibus Christianæ oues, vt filij, pãstribus suis, tanquam patribus, obstringuntur: sicut ius persequendi ac vlciscendi iniurias à fœdibus & perduellibus illatas longè distat à iure, quo patres spirituales commonefaciendo in filios sibi subditos animaduertunt. Conseruant etiam Reges Christianissimi sanctitatem Apostolicæ Sedis, vt filij parentes obseruare, illiusque ac fundos defendere, vimque hostium ab eis propulsare debent, & prout communes ob rationes tenentur. Verbum illud conseruanto in fœderibus Romanis imperantis erat. At precan-*

ris est atque hortantis patris spiritualis, non imperantis, in fœderibus Christianis: quo sensu illud acceperunt summi Pontifices, qui ad Reges Gallix confugerunt, eosque impensè rogauerunt, ut in Apostolicam sedem se reducerent ac restituerent: iniurias ac hostium vim ab ea arcerent, Ecclesiam conseruarent; utque Conciliorum decreta in Gallia seruarietur. Certe non ut dedititios aut fundos Reges Gallix erga sanctam Sedem se gerere verissimum est. Dedititiorum quippe conditio pessima erat, qui se, suaque diuina & humana utensilia arbitrio & potestati victoris permiserunt. Cuius conditionis & formulæ exempla duo proposuit Liuius; primum lib. 1. deditionis Collatix Tarquinio Regi factæ. alterum lib. 26. deditionis Campanorum, Attellanorum, Calatinorum, & Sabatinorum. Neque porro in spirituali politeia vllus dedititius est, non ille, qui, ut ad meliorem mentem redeat, patri spirituali totum se permittit, & in eius potestate fore se promittit, ut enim se in libertatem asserat, & diabolicæ seruitutis iugo se subtrahat, illius consiliis vitur; & erroris pœnitens, eumque confessus, à peccati nexibus sacerdotali auctoritate liberatur. dedititius verò libertate amissa, & de rebus suis statuendi facultate, à seruo & mancipio non longè distat. Adiecit Pithœus fundos, non ut paris conditionis cum dedititiis eos demonstraret, sed ut ostenderet Gallix Reges non tantùm Ecclesiæ Romanæ

seruos ac mancipia non esse, & eam ipsis non im-
peritare, nec leges, ab ea tanquam deuictos à vi-
ctore, ipsos accepisse: verumetiam vt doceret
Ecclesiæ huius regni leges (quas perperam & im-
propriè Priuilegia vocant, quasi à superiori do-
mino fœderato concessa sint) connatas ac pro-
prias Monarchiæ; & huic nostræ genti esse; ne-
que illas à summis Pontificibus Reges, velut
beneficium sibi collatum, accepisse; quod olim
fecere populi Romanorum socij ac fœderati, qui
ob adscitas Quiritium leges populi fundi appel-
lati sunt. Quamobrem cum eruditissimi Rigaltij
bona venia dicam, me in Pithœi verbis aut sensu
næuum haud deprehendere.

FINIS.



